

quam Ducem Albanum in fideles Euangelicae  
veritatis confessores exercere jussierunt, coa-  
ctus ex patria sua Brabantia Hamburgum  
demigravit, ibidemque feliciter mercaturam  
fecit. Ut adeo & auiam, & proauum exules  
Verpoortennius noster habuerit. Auo ma-  
terno, D. M E N O N E H A N N E K E N I O , (\*) praef-  
sule quondam Lubecensi celebratissimo, usus  
est: proauo materno, summo atque incom-  
parabili Theologo, D. B A L T H A S A R E M E N-  
Z E R O , Seniore. (\*\*) Vxor enim Menonis  
Hannekenii J U S T I N A E L E O N O R A , Baltha-  
saris Menzeri filia fuit.

## III.

Ex ingenio suo puer cognoscitur, an pura  
rectaque futura sint ejus opera. In Verpoor-  
tennio igitur nostro, adhuc puerulo, luculen-  
ter apparuit, qualis aliquando esset futurus.  
Fulsit enim in eo admodum mature singula-  
ris quaedam ingenii probitas, celeritas atque  
docilitas. Vix quadriennis puer sua sponte  
scholam nostram senatoriam ingressus & in  
classem septimam, eamque ultimam receptus

a MAR-

(\*) Ejus vitam legere licet in HENNINGI WITTENI  
*Memoriis Theologorum Dec. 13. p. 1699. seqq.*

(\*\*) Cujus memoriam conseruauit Witten l. c. Dec. 2.  
p. 223. seqq.